

植物名實圖考

植物名實圖考卷之十九

司始吳其濬著

蒙自陸應穀校刊

蔓草類

紅梅消

潑盤

虵附子

大血藤

三葉孛藤

山木通

小木通

大木通

三加皮

石猴子

貼石龍

野扁豆

九子羊

山豆

金線草

五爪金龍

無名一種

過山龍

山慈姑

萬年藤

大打藥

鑽地風

飛來鶴

金線壺盧

稱鉤風

癩蝦蟆

陰陽蓮

狂風藤

金錢豹 又一種

挈藤

石血

百脚蜈蚣

千年不爛心

石盤龍

香藤

野杜仲

廣香藤

清風藤

南蛇藤

無名一種

川山龍

扳南根

鵝抱蛋

順筋藤

紫金皮

內風消

無名一種

臭皮藤

牛皮凍

墓蓮藕

雞矢藤

金燈藤

兩頭拏



紅梅消

紅梅消江西湖南河濱多有之細莖多刺初生似叢漸引長蔓可五六尺一枝三葉葉亦似蔣田蔗初發面青背白漸長背卽淡青三月間開小粉紅花色似紅梅不甚開放下有綠蒂就蒂結實如覆盆子色鮮紅纍纍滿枝味酢甜可食 按蔗屬甚多李時珍亦未盡攷故不云有紅花者辰谿縣志山泡有三月泡大頭泡田雞泡扒船泡泡卽蔗語音輕重耳名隨地改殆難全別江西俚醫以紅梅消根浸酒爲養筋治血消紅退腫之藥又取花汁入粉可去雀斑蓋色形味與蓬蘽覆盆相類其功用應

亦不遠李時珍分別入藥不入藥亦只以本草所有者言之而  
山鄉則可食者卽多入藥未可刻舟膠柱也此草滇呼紅瑣梅  
採作果食湖南北謂之過江龍簡易草藥收之其枝梢下垂及  
地則生根黔中謂之倒築傘遵義府志枝葉結子與薔秧蘆絕  
似枝未柱地則生根復起再長拄地復然大者不知其本末所  
在根可入藥云







潑盤

救荒本草潑盤一名托盤生汝南荒野中陳蔡間多有之苗高五七寸莖葉有小刺其葉彷彿似艾葉稍團葉背亦白每三葉攢生一處結子作穗如半柿大類小盤堆石榴顆狀下有蒂承如柿蒂形味甘酸性溫以潑盤顆粒紅熟時採食之彼土人取以當果 按李時珍云一種蔓小於蓬蘽一枝三葉葉面青背淡白而微有毛開小白花四月實熟其色紅如櫻桃者俗名蘄田蘄卽爾雅所謂蘄者也故郭璞註云蘄卽莓也子似覆盆而大赤色酢甜可食此種不入藥用卽此



虵附子

虵附子產建昌蔓生莖如初生小竹有節一枝三葉葉長有尖  
圓齒疎紋對葉生鬚鬚就地生根大如麥冬俚醫以治小兒退  
熱止腹痛取漿沖服



大血藤

宋圖經血藤生信州葉如蓼藺葉根如大拇指其色黃五月採行血治氣塊彼土人用之李時珍按虞搏云血藤卽過山龍未知的否姑附之茜草下 按過山龍俗名甚多不圖其形無從審其是否羅思舉簡易草藥大血藤卽千年健汁漿卽見血飛又名血竭雌雄二本治筋骨疼痛追風健腰却今江西廬山多有之土名大活血蔓生紫莖一枝三葉宛如一葉擘分或半邊圓或有角而方無定形光滑厚韌根長數尺外紫內白有菊花心掘出曝之紫液津潤浸酒一宿紅豔如血市醫常用之廣西

梧州志千年健浸酒祛風延年彼中人以遺遠東以色絲頗似  
降真香



植物名實圖考

三葉挈藤

七

蔓草卷之十九



三葉孳藤

三葉孳藤生長沙山中蔓生黑莖新蔓柔細一枝三葉葉長寸餘而末頗團面青背白直橫紋皆細俚醫以爲治跌損和筋骨之藥



山木通

山木通長沙山中有之粗莖長蔓三葉攢生一枝光滑厚韌葉際開花花罷殘蕊茸茸尙在莖上俚醫用以通竅利水 按圖經木通一枝五葉葉如石韋此藤老莖亦中空葉亦似石韋而只三葉無實又別一種

小木通

九

蔓草卷之十九



小木通

小木通產湖口縣山中莖葉深綠長蔓裊娜每枝三葉葉似馬兜鈴而細俚醫用以利小便 按俗間木通多種以木通本功通利九竅故藤本能利水者多以木通名之

大木通

十

蔓草卷之十九





大木通

大木通產九江山中一名接骨丹粗藤如樹短枝青綠對葉排  
生濃綠大齒俚醫搗葉敷治脚瘡爛毒莖利小便 按形狀與  
本草圖異蘓頌引燕吳行紀楊州甘泉東院有通草其形如椿  
子垂梢際所說不同或別一物此草頗似椿葉惟大齒不類

蔓草卷之十九

三加皮

上

蔓草卷之十九



三加皮

三加皮產建昌山中大根赭黑似何首烏叢生細莖老赭新綠對發短枝一枝三葉葉勁無齒形似豆葉而長面綠背青白中直脈紋亦稀疎俚醫以治風氣故名三加皮非與一名金鹽之五加皮一類也

石猴子

上

蔓草卷之十九



石猴子

石猴子產南安蔓生細莖莖距根近處有粗節手指大如麥門冬黑褐色節間有細鬚繚繞短枝三葉葉微似月季花葉氣味甘溫土人取治跌打損傷婦人經水不調敷一切無名腫毒按本草拾遺江西山林間有草生葉頭有瘻子似鶴薺葉如柳亦名千金藤或卽此



貼石龍

貼石龍生南安赤根無鬚細莖青赤一枝三葉葉如柳葉俚醫以治頭痛腦風牙痛井水煎服蛇咬擦傷處亦可服

野扁豆





野扁豆

野扁豆長沙坡阜有之莖葉俱似扁豆而小開花亦如扁豆花而色黃結扁角長寸許子大如蒺藜俚醫以洗無名腫毒

九子羊

十五

蔓草卷之十九



九子羊

九子羊產衡山蔓生細綠莖葉如蛾眉豆葉一枝或三葉或五葉秋開淡綠花如豆花而內有郭如人耳結短角根圓如卵數本同生秋時掘取輒得多枚俚醫用之

山豆

其


蔓草卷之十九



山豆

山豆產寧都赭莖小科莖短而勁一枝三葉如豆葉而小面青背微白秋結小角長三四分四五成簇有豆兩粒赭根如樹根長四五寸俚醫以治跌打能行兩脚與廣西山豆根主治異

金線草



金線草

金線草生長沙岡阜間蔓生方莖四葉攢生一處莖葉皆有澀毛棘人衣與茜草同唯葉大而圓爲異考本事方剪草似茜治血證極效此草能行血治腰痛俚醫用之或卽本事方之剪草湖南呼茜草皆曰鋸子草二草形頗相類而土人分辨甚晰





五爪金龍

五爪金龍產南安橫根抽莖莖葉俱綠就莖生小枝一枝五葉  
分布如爪葉長二寸許本寬四五分至末漸肥復出長尖細紋  
無齒根褐色硬如葶藶



江西湖南多有之長蔓緣壁圓節如竹對節發小枝五  
葉同生似烏蘇苳而長葉頭亦禿深齒粗紋厚澀如皺節間有  
小鬚粘壁如蠅足與巴山虎相類

過山龍




過山龍

過山龍江西山中有之根大如小兒臂長硬赭黑莖碧有節附  
莖對葉大如油桐有歧不勻粗紋大齒俚醫以治閉腿風敷腫  
毒

山慈姑

三

蔓草卷之十九




山慈姑

山慈姑江西湖南皆有之非花葉不相見者蔓生綠莖葉如蛾眉豆葉而圓大深紋多皺根大如拳黑褐色四圍有白鬚長寸餘蓬茸如蝟建昌士醫呼爲金線弔蝦蟆微肖其形以爲敗毒通氣散痰之藥余曾求坐拏草於永豐令以此草應命殆未必確

萬年藤

三

蔓草卷之十九






萬年藤

萬年藤產建昌山中蔓生硬莖就莖兩葉對生圓如馬蹄有微尖橫直細紋梢葉有缺頗似白英赭根長尺許圓節俚醫以洗瘡毒滋陰生涼

大打藥

蔓草卷之十九



大打藥


大打藥產建昌山中蔓生綠莖紫節如竹一葉一鬚鬚赭色葉  
圓大如馬蹄有尖綠潤踈紋赭根長一二尺餘俚醫以治打傷  
取根一段煎酒服

本草綱目卷之十九

鑽地風

三

蔓草卷之十九



鑽地風

鑽地風長沙山中有之蔓生褐莖莖根一色不堅實葉如初生油桐葉而圓碎紋細齒俚醫以治筋骨行脚氣

植物名實圖考

飛來鶴

三

蔓草卷之十九



飛來鶴

飛來鶴生江西廬山莖葉似旋花惟葉紋深紫嫩根紅潤小如  
箸頭與他種異





金線壺盧

金線壺盧生江西建昌山中硬根勁蔓俱黑赭色嫩枝細綠葉柄長韌葉本圓缺如馬蹄而未出長尖中腰微凹有似細腰壺盧俚醫用根醋磨敷乳吹



稱鉤風

稱鉤風江西有之蔓延墻垣綠莖柔靱葉有尖而禿澀糙有直紋數縷土人未知所用



癩蝦蟆

癩蝦蟆產南康廬山赭根細鬚大如指青莖蔓生近根四葉對生極似玉簪花葉而小梢葉錯落近葉發小枝上綴青膏藥細如粟米成穗開五瓣小黃花廬山靈藥塞壑填谿記載缺如服食無方余遺採訪多不識名偶逢樵牧隨其指呼姑紀形狀以俟將來

陰陽蓮

五

蔓草卷之十九



陰陽蓮

陰陽蓮一名大葉蓮產建昌山中蔓生細綠莖淡紅節有小刺就節參差生葉葉本如馬蹄寬寸餘末尖長二寸許面濃綠背黃白粗紋微澀根大如指橫發枝蔓俚醫以治婦科調經取根幹同桃仁煎酒服

本草綱目

狂風藤

卷

蔓草卷之十九





狂風藤

狂風藤江西贛南山中有之赭根綠莖蔓生柔苒參差生葉長柄細韌似山藥葉而長僅有直紋數道土人以治風疾




金錢豹

金錢豹產南安蔓生綠莖葉圓而尖近枝有微缺深紋有皺似牛皮凍葉而長梢頭結實赭殼纍纍薄如蟬蛻內含青子土人以治嗽又一種同名異類余再至南安遣人尋採僅一見之



金錢豹 又一種

金錢豹亦生南贛蔓生綠莖細柔葉似婆婆針線包而窄有細齒綠蒂紫花花瓣層疊下垂作簞子微向外卷不甚開放與前一種名同類異



梓物名實圖考  
三  
挈藤

挈藤一名毛藤黎產南城麻姑山黑莖大葉如麻葉深齒棘紋  
葉端尖長結青實如棠梨而小

石血

三

蔓草卷之十九





石血

宋圖經石血與絡石極相類但葉頭尖而赤耳 按江西山坡及墻壁木石上極多葉紅如霜葉掩映綠卉尤增鮮明但細審其葉一莖之上或尖或團團如人手指尖如竹葉秋時結長角如豇豆長六七寸初青後赤破之有子如蘿藤子半如鍼半如絨絨亦白軟大約與絡石同種而結角則異或以爲雌雄耳

百脚蜈蚣

三

蔓草卷之十九



百腳蜈蚣

百腳蜈蚣生江西廬山緣石蔓衍就莖生根與絡石木蓮同葉似山藥有細白紋面綠背淡新莖亦綠



千年不爛心

千年不爛心產建昌山中蔓生如木根莖堅硬就老莖發軟枝附枝生葉微似山藥葉色淡綠背青黃秋結圓實攢簇生碧熟紅俚醫用之



石盤龍

石盤龍江西山中多有之橫根赭黑絡石蔓衍綠莖糾結葉比木蓮小而尖亦薄弱面青背黃綠俚醫採根同檳榔煎酒治飽脹





香藤

香藤產南安蔓生褐莖有節節間有鬚葉如柳葉而寬葉本有  
黑鬚數莖如棕氣味甘溫主治和血去風

野杜仲

尾

蔓草卷之十九



野杜仲

野杜仲撫建山中有之蔓生盤屈黑莖有星勁脆如木葉如橘  
葉而不光澤疎紋無齒短枝枯槎頗似針刺根亦堅實江醫以  
治腰痛取皮浸酒功似杜仲故名



廣香藤

廣香藤產南安綠葉毛澀黃背赭紋極似各樹寄生惟褐莖長勁爲異俚醫用以解毒養血清熱

清風藤

星

蔓草卷之十九



清風藤

圖經清風藤生天台山中其苗蔓延木上四時常有彼土人採其葉入藥治風有效 按清風藤近山處皆有之羅師舉草藥圖云清風藤又名青藤其木蔓延木上四時常青采莖用治風疾風濕凡流注歷節鶴膝麻痺瘡痒損傷瘡腫入酒藥中用南城縣尋風藤卽清風藤蔓延屋上土人取莖治風濕余詢之南城人云藤以黃緣楓樹而出樹梢者爲真奪楓樹之精液年深藤老故治風有殊效餘皆無力遣人求得大抵與木蓮相類厚葉木強藤硬如木粗可一握黑子隆起蓋卽絡石一種而所緣

有異又本草拾遺扶芳藤以楓樹上者爲佳恐卽一物清風扶  
芳一音之轉土音大率如此

清風藤

三

蔓草卷之十九



植物名實圖考

卷二

南蛇藤

四三

蔓草卷之十九



本草綱目卷之四  
南蛇藤

南蛇藤生長沙山中黑莖長叢參差生葉葉如南藤面濃綠背青白光潤有齒根莖一色根圓長微似蛇故名俚醫以治無名腫毒行血氣



江西山岡皆有之多與金剛草薜叢廁糾纏綠莖柔細  
一葉一鬚長葉大齒深紋粗澀根紫黑色大於草薜而堅 按  
本草從新有開金鎖根葉亦如草薜菝葜皆此類



川山龍

川山龍產南安蔓生挺立赤莖有星參差生葉葉圓而長面綠背青黃直紋稀疏圓齒不勻根如老薑褐黃色赭鬚數莖俚醫以爲跌打損傷要藥






扳南根

扳南根湖南園圃多有之蔓生如葛莖細而韌葉亦似葛而小  
褐根粗如巨擘俚醫以治疔毒江西呼爲雞屎葛根 按蘇恭  
注黃環云今太常所收劍州者皆雞屎葛根當卽此

鵝抱蟄

四七

蔓草卷之十九



鵝抱蟄

鵝抱蟄生延昌山中蔓生細莖有節本紫梢綠葉如菊葉深齒如歧葉下有附莖葉寬三四分根如麥冬而大赭長有橫黑紋五六枚一窠俚醫取根燉酒云散寒氣能補益 按宋圖經有鵝抱蔓似大豆治熱毒形與此異主治亦別

順筋藤



本草綱目卷之  
順筋藤

順筋藤南安長沙皆有之蔓生繚曲綠莖赤節節間有綠鬚纏繞葉如威靈仙葉無歧斜紋葉間結小青實如豆硬根赭紅色礪研盤錯復有長葉攢之氣味甘溫土人取通經絡和血溫補

紫金皮

蔓草卷之十九



紫金皮

紫金皮江西山中多有之蔓延林薄紫根堅實莖亦赭赤葉如橘柚光滑無齒葉節間垂短莖結青蒂攢生十數子圓紫如球鮮嫩有汁出俚醫用根藤治飽脹腹痛有效兼通肢節按宋圖經有紫金藤不具形狀和劑方有紫金藤丸






內風消

內風消江西湖南皆有之蔓生紫莖結實攢聚如球極類紫金皮惟葉不攢排有細齒無光澤俚醫以爲內托和血之藥

植物白話圖考



至

蔓草卷之十九

生撫州山坡蔓生赭藤對葉如柳葉而柔潤秋結青實  
七八粒圓簇下垂頂有白暈

臭皮藤

卷

蔓草卷之十九



臭皮藤

臭皮藤江西多有之一名臭莖子又名迎風子蔓延墻屋弱莖  
糾纏葉圓如馬蹄而有尖濃紋細密秋結青黃實成簇破之有  
汁甚臭土人以洗瘡毒

牛皮凍

五

蔓草卷之十九



牛皮凍


牛皮凍湖南園圃林薄極多蔓生綠莖長葉如臘梅花葉濃綠  
光亮葉間秋開白簞子花小瓣五出微卷向外黃紫色結青實  
有汁俚醫云與臭皮藤一種圓葉爲雌長葉爲雄用敷無名腫  
毒兼補筋骨






墓蓮藕

墓蓮藕湖廣園圃中多有之綠莖蔓延附莖對葉如王瓜葉微尖無毛秋開五瓣小白花數十朵攢簇長根近尺色赭土人以治吐血



雞矢藤

雞矢藤產南安蔓生黃綠莖葉長寸餘後寬前尖細紋無齒藤梢秋結青黃實硬殼有光圓如菘豆稍大氣臭俚醫以爲洗藥解毒去風清熱散寒



金鐙藤

金鐙藤一名毛芽藤南贛皆有之寄生樹上無枝葉橫抽一短莖結實密攢如落葵而色青紫土人採洗瘡毒兼治痢證同生薑煎服

直刀名實圖考

兩頭學

卷

蔓草卷之十九



兩頭拏

兩頭拏生廣信草似野苧麻有淡紅藤一縷寄生枝上蓋卽毛  
芽藤生草上者土醫以治跌打利小便